

3. **Ahanyurwa n'abanyamaguru** hacye imirongo yera iteganye n'umurongo ugabanya umuhanda mu kabiri mu burebure bwawo.
4. **Ahanyura abayobozi b'amagare n'aba velomoteri zifite imitende ibiri bambukiranya umuhanda** hacye imirongo ibiri icagaguye igizwe na kare cyangwa ingirwamwashi by'ibara ryera.
5. Imirongo yera yambukiranya umuhanda, igomba kuba ifite ubugari buri hagati ya santimetero 20 na santimetero 60. Impande za kare zera zigomba kugira umubyimba uri hagati ya santimetero 40 na 60. Ubutambike bwa mpande-eshatu n'ubw'ingirwamwashi bugomba kugira ubugari buri hagati ya santimetero 40 na santimetero 60 kandi ubuhagarike bugomba kuba buri hagati ya santimetero 50 na santimetero 70.

#### 4.4.3. ICYICIRO CYA III: Ibindi bimenyetso

**Ingingo yz 112:**

*15. Uturangacyerekezo dutoranya tw'ibara ryera dushobora gushyirwa hafi y'amasangano.*

**Utwo turangacyerekezo twerekana igisate cy'umuhanda abayobozi bagomba gukurikira kugira ngo bagane mu cyerekezo cyerekanwa n'utwo turangacyerekezo.**

Kandi mu masangano abayobozi bagomba gukurikira icyerekezo, cyangwa kimwe mu byerekezo byerekanwa ku gisate cy'umuhanda barimo.

*16. Umurongo uciyemo uduce, umenyesha ahegereye umurongo ukomeje ushobora kuzuzwa n' uturanga gukata tw'ibara ryera. Utwo turangacyerekezo tumenyesha igabanurwa ry' umubare w' ibisate by'umuhanda bishobora gukoreshwa mu cyerekezo bajyamo.*

3. Ibyandikishijwe ibara ryera mu muhanda bishobora kuzuza ibyerekanwa n' ibyapa.
4. Ibyerekezo binyuranye bishobora kwerekana ku bisate by' umuhanda.
5. Aho ibinyabiziga bitwara abantu muri rusange bihagarara, ahabujijwe guhagararwa igihe hakurikijwe ingingo ya 33, 3, cg hashobora kugaragazwa n' ibishushanyo by' ibara ryera .
6. Uturanga cyerekezo n' inyuguti z'ibyangitswe bigomba kugira nibura uburebure bwa metero 2 na santimetero 50 keretse aho imivuduko yo kwegera aho biri itarenga kilometero 50 mu isaha n' ubugari bwabyo bugomba kuba hagati ya santimetero 10 na santimetero 30.
7. Imyanya y' aho ibinyabiziga bibujijwe kunyura cyangwa bitegeka ibinyabiziga kunyura mucyerekezo iki n' iki bishobora kugaragazwa ku butaka n' imirongo iberamye iteganye yera, ifite ubugari buri hagati ya santimetero 10 na santimetero 15 kandi itandukaniye na santimetero kuva kuri 20 kugeza kuri santimetero 30.

#### 4.5. UMUTWE WA V: IBIMENYETSO BYEREKANA IMIRIMO N' INKOMYI

**Ingingo: ya 113:**

**17. Ibimenyetso byerekana imirimo mu nzira nyabagendwa bishyirwaho n'uyikora**

*Iyo hagomba gukoreshwa ibyapa byerekeye gutambuka mbere, ibyapa bibuza, ibyapa bitegeka, ibyapa byerekeye guhagarara akanya gato n'akarekare cyangwa ibimenyetso birombereje by'agateganyo byerekana ibisate by'umuhanda, ibyo bimenyetso ntibishobora gushyirwaho nta ruhushya rwa Perefe cyangwa intumwa ye. Urwo ruhushya rusobanura buri gihe ibimenyetso bizakoresheka. Ibimenyetso byo mu muhanda bigomba kuvanwaho n'ukora imirimo ikimara kurangira.*